

Муфтий Усмонхон Алимов БААга жўнаб кетди



16:10 / 02.02.2019 2065

Бугун, 2 февраль куни Ўзбекистон мусулмонлари идораси раиси, муфтий Усмонхон Алимов Мусулмон донишмандлар кенгаши раиси, доктор Султон Румайсийнинг таклифига кўра Бирлашган Араб Амирлигининг Абу Даби шаҳрида бўлиб ўтадиган халқаро анжуманди иштирок этиш учун жўнаб кетдилар. Бу ҳақда Ўзбекистон мусулмонлар идораси Ахборот хизмати хабар берди.

Мусулмон донишмандлар кенгаши 2014 йилда ташкил этилган бўлиб, дунёning атоқли уламоларидан тузилган ҳайъат фаолият юритади. Кенгашга ал-Азҳар шайхи Аҳмад Мухаммад Тоййиб раҳбарлик қилади.

Кенгашнинг асосий мақсади Ислом оламидаги тарафкашликни бартараф этиш ва ҳамжиҳатликни таъминлашдан иборат. Шунингдек, Ислом оламида тинчлик-тотувликни мустаҳкамлаш, мусулмон мамлакатлар халқлари ўртасидаги бирдамликни таъминлаш, ички зиддиятларни йўқотиш, ўзаро мулоқот ва мўътадилликни қўллаб-қувватлаш ҳам Кенгашнинг мақсад-вазифалари сирасига киради.